



# Trefniadau ar gyfer arholiadau haf 2020

## Crynodeb gweithredol



Mehefin 2020

## **Trefniadau ar gyfer arholiadau haf 2020 - crynodeb gweithredol**

Mae'r adran hon yn rhoi crynodeb o'r [penderfyniadau](#) a wnaed gennym yn dilyn ein hymgyngoriad. Mae'r penderfyniadau hyn yn ymwneud â'r canlynol:

- cyflwyno nodau a fydd yn ategu'r model safoni ystadegol ar gyfer rhoi graddau ar gyfer cyfres arholiadau haf 2020;
- cyflwyno proses apelio arbennig ar gyfer cyfres arholiadau haf 2020.

Gan ystyried yr 4,057 o ymatebion i'r ymgynghoriad, rydym wedi penderfynu rhoi'r rhan fwyaf o'r cynigion a nodwyd gennym yn y ddogfen ymgynghori ar waith. Fodd bynnag, rydym wedi penderfynu diwygio ein cynigion gwreiddiol mewn rhai meysydd. Rydym yn egluro'r rhain yn fanylach yn yn eu crynhoi isod:

### **Cynnig 1 – Cyflwyno nodau a fydd yn ategu'r model safoni ystadegol ar gyfer rhoi graddau ar gyfer cyfres arholiadau haf 2020**

<b>Y Cynnig Gwreiddiol</b>	<b>Penderfyniad</b>
<b>Nod 1:</b> Bydd dysgwyr y cyflwynir gradd asesu canolfannau lefel cymhwyster a threfn rancio ar eu cyfer yn cael gradd.	<b>Rydym wedi penderfynu mabwysiadu nod 1 fel y cynigiwyd yn yr ymgynghoriad.</b>  <b>Rydym wedi penderfynu y dylid rhoi dull eithriadol ar waith mewn perthynas â'r ymgeiswyr preifat hynny na allant gael data asesu canolfan (sef gradd asesu canolfan a lle yn nhrefn rancio dysgwyr canolfan), ac sy'n bodloni'r meini prawf a nodir yn ein datganiad polisi ar ymgeiswyr preifat, gyda'r nod o roi gradd i gynifer o'r ymgeiswyr hynny â phosibl.</b>  <b>Byddwn yn cyhoeddi datganiad polisi mewn perthynas ag ymgeiswyr preifat ochr yn ochr â'r adroddiad hwn ar y penderfyniadau.</b>
<b>Nod 2:</b> Bydd deilliannau cenedlaethol ar gyfer haf 2020 yn gymharol debyg i ddeilliannau blynyddoedd blaenorol er mwyn lleihau'r risg o annhegwch i ddysgwyr dros amser.	<b>Rydym wedi penderfynu diwygio nod 2 i gynnwys cyfeiriad at yr angen i gynnal hyder y cyhoedd mewn cymwysterau a'r system gymwysterau</b>

	<p><b>Felly, mae'r nod hwn bellach yn darllen fel a ganlyn:</b>  <i>Bydd deilliannau cenedlaethol yn gymharol debyg i ddeilliannau blynyddoedd blaenorol er mwyn lleihau'r risg o annhegwch i ddysgwyr dros amser a chynnal hyder y cyhoedd.</i></p>
<p><b>Nod 3:</b> Bydd y graddau terfynol a roddir i ddysgwyr yn dilyn proses deg a chadarn gan ddefnyddio'r wybodaeth a roddir i CBAC gan ganolfannau a'r model safoni ystadegol a ddatblygwyd gan CBAC ac y cytunwyd arno gyda Cymwysterau Cymru. Bydd y prosesau a fabwysiedir yn dryloyw ac yn gyflawnadwy yr haf hwn.</p>	<p><b>Rydym wedi penderfynu cyfuno nodau 3 a 5 yn un nod cynhwysfawr sy'n disgrifio'r modd y bydd y model yn defnyddio amrywiaeth o dystiolaeth i gyfrifo'r graddau tebygol y byddai dysgwyr wedi'u cael yr haf hwn. Hwn fydd ein pedwerydd nod bellach, a'r un olaf.</b></p>
<p><b>Nod 4:</b> Cyn belled ag y bo modd, dylem sicrhau na fydd y broses ar gyfer dyfarnu graddau yn ystod haf 2020 yn rhoi grwpiau o ddysgwyr o dan anfantais, gan gynnwys y rhai hynny â nodweddion gwarchoddedig, o gymharu â blynyddoedd blaenorol.</p>	<p><b>Rydym wedi penderfynu diwygio geiriad y Nod hwn i roi mwy o eglurder na ddylai'r broses ar gyfer dyfarnu graddau olygu bod unrhyw ddysgwyr, yn cynnwys y rheini â nodweddion gwarchoddedig o dan ddeddfwriaeth cydraddoldebau, yn wynebu unrhyw anfantais na mantais yn systematig.</b></p> <p><b>Mae'r Nod hwn bellach yn darllen fel a ganlyn:</b>  <i>Cyn belled ag y bo modd, ni fydd y broses ar gyfer dyfarnu graddau yn golygu bod dysgwyr, yn cynnwys y rheini â nodweddion gwarchoddedig o dan ddeddfwriaeth cydraddoldebau, yn wynebu unrhyw anfantais na mantais yn systematig.</i></p>
<p><b>Nod 5:</b> Bydd y prosesau y cytunwyd arnynt ar gyfer pob math o gymhwyster yn galluogi'r nifer mwyaf o ddysgwyr i gael graddau yn seiliedig ar ddull cyffredin. Bydd y prosesau yn defnyddio canlyniadau o gymwysterau ac unedau a gwblhawyd</p>	<p><b>Rydym wedi penderfynu cyfuno nodau 3 a 5 yn un nod cynhwysfawr sy'n disgrifio'r modd y bydd y model yn defnyddio amrywiaeth o dystiolaeth i gyfrifo'r graddau tebygol y byddai dysgwyr wedi'u cael yr haf hwn. Hwn</b></p>

eisoes ac a ddyfarnwyd i ddysgwyr, lle y bo hynny ar gael.	<b>fydd ein pedwerydd nod bellach, a'r un olaf.</b>
--	---

<b>Cynnig 2 – Cyflwyno proses apelio benodol ar gyfer cyfres arholiadau haf 2020</b>	
<b>Y Cynnig Gwreiddiol</b>	<b>Penderfyniad</b>
Ni fydd modd i ddysgwyr sy'n anfodlon â'u canlyniadau yr haf hwn apelio yn erbyn y farn broffesiynol a wnaed gan eu canolfan, nac ychwaith y weithdrefn a ddefnyddiwyd gan eu canolfan i gyrraedd y farn hon.	<p><b>Rydym wedi penderfynu mabwysiadu ein cynnig na ddylem roi cyfle i ddysgwyr herio eu gradd asesu gan ganolfan na'u safle yn nhrefn rancio'r ganolfan drwy apêl i CBAC.</b></p> <p><b>Fodd bynnag, bydd dysgwr yn gallu gofyn i'w ganolfan gadarnhau a yw wedi gwneud gwall wrth gyflwyno data asesu'r ganolfan ar ei gyfer.</b></p>
Bydd modd i ganolfannau apelio i CBAC ar y sail ei fod wedi defnyddio'r data anghywir wrth gyfrifo gradd, os bydd y graddau amcangyfrifedig a gynhrychwyd gan y model safoni ystadegol wedi'u dyrannu neu eu cyfathrebu'n anghywir a/neu os bu unrhyw fethiant gweithdrefnol arall ar ran CBAC.	<p><b>Rydym wedi penderfynu y dylem fabwysiadu ein cynnig y dylai canolfan allu apelio i CBAC ar y sail ei fod wedi defnyddio'r data anghywir wrth gyfrifo graddau, a/neu ei fod wedi dyrannu neu gyfathrebu'r graddau amcangyfrifedig yn anghywir.</b></p> <p><b>Byddwn yn ei gwneud yn ofynnol i CBAC gyhoeddi gwybodaeth am ei drefniadau apelio.</b></p> <p><b>Byddwn yn ei gwneud yn ofynnol i CBAC roi'r wybodaeth a ddefnyddiwyd i gyfrifo canlyniad a roddwyd i ddysgwr i ganolfan, ar gais. Rhaid i'r wybodaeth hon fod yn ddigonol a chaniatáu digon o amser i ganolfannau ystyried a fyddant yn gofyn am apêl.</b></p>
Ar gyfer canlyniadau a roddir yr haf hwn, dylem ond disgwyl i CBAC ystyried apelïadau a gyflwynir gan ganolfannau, ac nid y rhai hynny a gyflwynir gan ddysgwyr unigol.	<b>Rydym wedi penderfynu mabwysiadu ein cynnig y dylem ond disgwyl i CBAC ystyried apelïadau a gyflwynir gan ganolfannau, ac nid y rhai hynny a</b>

	<p><b>gyflwynir yn uniongyrchol gan ddysgwyr unigol.</b></p> <p><b>Rydym wedi penderfynu y bydd y gofynion rheoleiddiol ar gyfer haf 2020 yn ei gwneud yn ofynnol i CBAC sicrhau bod canolfannau yn rhoi cyfle i ddysgwyr apelio o fewn y ganolfan:</b></p> <ul style="list-style-type: none"> <li><b>(i) yn erbyn penderfyniad canolfan i beidio â cheisio unrhyw wybodaeth sydd gan CBAC y byddai ei hangen ar gyfer apêl; a/neu</b></li> <li><b>(ii) i beidio ag apelio i CBAC.</b></li> </ul>
<p>Os bydd proses apelio yn nodi gwall a fyddai'n arwain at radd is i ddysgwyr heblaw'r rhai hynny y cyfeiriwyd atynt yn yr apêl, yna ni ddylai CBAC ostwng y graddau hyn.</p>	<p><b>Rydym wedi penderfynu mabwysiadu ein cynnig lle y gwneir apêl ar ran un dysgwr neu fwy (ond nid pob dysgwr) mewn cohort canolfan, y dylai'r gofynion rheoleiddiol ar gyfer 2020 atal graddau dysgwyr heblaw am y rhai a enwyd mewn apêl rhag cael eu gostwng lle caiff gwallau eu canfod drwy'r broses apelio.</b></p>
<p>Dylid caniatáu i CBAC gynnal proses apelio wedi'i symleiddio lle bo'r unigolyn sy'n gwneud penderfyniadau yn ystyried adroddiad gan yr aelod o staff sy'n cynnal yr adolygiad gweinyddol ac unrhyw gynrychioliadau a wnaed gan y ganolfan yn sgil yr adroddiad hwnnw.</p>	<p><b>Rydym wedi penderfynu mabwysiadu ein cynnig y dylid caniatáu i CBAC gynnal proses gyflymach lle mae'n cytuno bod gwall wedi'i wneud ac y gall gywiro unrhyw wall o'r fath yn gyflym.</b></p>
<p>Dylai fod yn ofynnol i CBAC gymryd pob cam rhesymol i sicrhau y caiff pob penderfyniad apêl ei gymryd gan bobl nad oeddent yn rhan o'r broses yn arwain at roi'r canlyniadau hynny.</p>	<p><b>Rydym wedi penderfynu diwygio ein cynnig, ac yn ei gwneud yn ofynnol i CBAC gymryd pob cam rhesymol i sicrhau bod y penderfyniad terfynol mewn perthynas â chanlyniad apêl yn cael ei wneud gan bobl nad oeddent yn rhan o'r broses flaenorol yn arwain at roi canlyniadau mewn perthynas â dysgwr y mae'r apêl yn ymwneud ag ef.</b></p>

Unig swyddogaethau'r Gwasanaeth Adolygu Gweithdrefnau Arholiadau (EPRS) yr haf hwn fydd adolygu: 1. i ba raddau yr oedd CBAC yn cydymffurfio â'n gofynion ni, a'i bolisiâu a'i weithdrefnau ei hun, neu 2. os cafodd unrhyw wall ei nodi yn y data a ddefnyddiwyd i gynhyrchu'r radd/graddau amcangyfrifedig a/neu yn y radd/graddau a ddyfarnwyd, p'un a gafodd y gwall hwnnw ei gywiro'n iawn.

**Rydym wedi penderfynu mabwysiadu ein cynnig y dylai'r EPRS, a weithredir gan Cymwysterau Cymru, fod ar gael i adolygu i ba raddau yr oedd CBAC yn cydymffurfio â'n gofynion ni, a'i bolisiâu a'i weithdrefnau ei hun, a ph'un a gafodd unrhyw wall a nodwyd yn y data a ddefnyddiwyd i greu'r radd/graddau amcangyfrifedig a/neu yn y radd/graddau a ddyfarnwyd, ei gywiro'n iawn.**